

Protocol no. 67**Sezzüda da lündeschdi, 2 avuost 2010, 20.00 – 22.50**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 66 da la sezzüda dals 19 lügl 2010 vain approvà.

587 021 FABRICA
Fadri Stricker – Ingrondimaint foura d’aldüm – Spinatscha

Sün dumonda da sar Fadri decida il Cussagl cumünal da dar il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il decret no. 2010-0644 dal Chantun (BAB) es part integrala da quist permiss.
3. Taxa chantunala BAB: fr. 496.--.
4. Taxa da trattamaint: fr. 200.--.

588 021 FABRICA
Men Luppi – Remissa – Saranschasch

Sün dumonda da sar Men decida il Cussagl cumünal da dar il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il decret no. 2010-0569 dal Chantun (BAB) es part integrala da quist permiss.
3. Taxa chantunala BAB: fr. 744.--.
4. Taxa da trattamaint: fr. 200.--.

589 021 FABRICA
Uina SA – Explotaziun transitoria – Parnarsura

Sün dumonda da l’Uina SA decida il Cussagl cumünal da dar il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il decret no. 2010-0432 dal Chantun (BAB) e’l decret no. 347 da l’ANU es part integrala da quist permiss.
3. Taxa chantunala BAB: fr. 2’548.--.
4. Taxa da l’ANU: fr. 1’500.--.
5. Taxa da trattamaint: fr. 200.--.

590 021

FABRICA

Max Dudler – Müdamaint da las fouras geotermicas – Bügliet

Sün dumonda da sar Dudler decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il Cumün conceda ün dret per fabricar plü dastrusch.
3. Taxa da trattamaint: fr. 50.--.

591 021

FABRICA

Leuppi + Rüedi – Müdamaint da proget (s-chalas vest) – Pradè

Sün dumonda da dna. Leuppi e sar Rüedi decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il mür da beton ha da gnir rimbocchè.
3. Taxa da trattamaint: fr. 100.--.

592 021

FABRICA

Alan Zlatar – Renovaziun bogh e duscha – Bügl Süt 167

Sün dumonda da sar Zlatar decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 100.--.
3. Pel rinforz da l'attach electric vain inschaschè tenor art. 17 dal reglamaint da taxas e las indicaziuns dal controllör da las OEE.

593 860.318.04

Cità d'energia

Decisiuns administrativas

Il capo orientescha chi's haja per raggiundscher il label «cità d'energia» da trar seguaintas decisiuns administrativas:

1. Las investiziuns futuras in stabilimaints dal man public han da gnir executadas i'l standard d'edifizis 2008 dad Energie CH.
2. Ils criteris per l'aquist da material da büro e da veiculs cumünals han da gnir fixats tenor ün catalog dad Energie CH.

Il Cussagl cumünal piglia a cogniziun quistas orientaziuns e la decisiun vain tratta in üna sezzüda plü tard.

594 800.427

Taxas d'erbadi

Taxa d'erbadi

Il schef da god e pauraria orientescha sur da la sezzüda cul president da la Società da bescha a regard l'inchaschamaint da la taxa d'erbadi. Il plü simpel füss schi's inchaschess la taxa tenor ils „stoss“. Uschè stess il cumün dar ils quints a las societats, e quellas mettessan ils quints inavant a mincha paur.

Ils cuosts cha'ls paur da bescha han per metter lur bescha d'utrò sun per bainquant plü ots sco previs. Tenor il Cussagl cumünal stessan ils transports gnir organisats plü effiziant.

Il Cussagl cumünal decida da pajar oura pel 2009, per las spaisas per alpagnar bescha in oters lös, pauschal fr. 5'000.--. L'import vain debità al conto per mantegnimaint d'alps e pas-chs chi vain spisgiantà dals paur. Sül punct 6 da la charta da la Società da bescha decida il Cussagl cumünal da na entrar. Ils quints d'erbadi dal 2004 infin dal 2008 sun gnüts decretats ed acceptats tenor il reglamaint existent.

595 720 ALLONTANAMAIN D'IMMUNDIZCHAS
Moloks

Il schef d'immundizchas orientescha chi saja gnü büttà in ün container nouv a Palüzot ün portaltschiva e cha culs pais dals sachs saja cun quai s-charge il sach grond dal Molok. Implü saja gnü constattà chi vegnan adüna amo deponà sachs d'immundizchas na legals (nairs). Il Cussagl cumünal stübgia la pussibilità da far plü suvent controllas dals sachs e d'installar eventualmaing üna camera da video.

596 860 PROVEDIMAIN ELECTRIC
Lingia da forza – Archas Sura

Ün patrun da fabrica dumonda scha'l cumün nu pudess spostar la lingia da forza chi passa tras sia parcella. Tenor il Cussagl cumünal es quella lingia al dret lö (areal da tgnair liber) e pel mumaint nu's vezza ingün bsögn da tilla spostar.

597 700.501.08 Sanaziun lingia d'aua Spinatscha - Tuols
Surdatta da lavur

Il Cussagl cumünal decida da surdar la lavur d'indschegner, in assenza dal schef da fabrica, al büro Caprez Ingenieure AG da Scuol per ün import da fr. 31'185.-- (excl. ipv. e spaisas da copchas).

598 700 PROVEDIMAIN D'AUA
Calculaziun da la rait d'aua

Il schef d'aua orientescha chi saja da definir ils puncts critics e debels dal provedimaint d'aua e da calcular tanter oter che chi's douvra hoz e che chi's douvra dal 2030. Uschè as poja eruir scha'ls diameters da las lingias tuornan pel avegnir.

Il Cussagl cumünal decida, in assenza dal schef d'aua, da surdar la calculaziun, per la part da las funtanas infin pro'l reservoir, a la firma Caprez Ingenieure AG, Scuol, pel predscha da fr. 5'805.-- (excl. ipv. e spaisas da copchas).

600 622.311 Cumprita da maschinas e veiculs
Pala idraulica

Il Cussagl cumünal decida da tour, impè da comprar ün' occasiun favuraivla sainza filter da particlas, a fit per l'utuon e per la rumida da naiv üna pala idraulica da la firma Liebherr. Il motiv es cha dal 2013 ha mincha veicul d'avair ün filter da particlas. Scha la maschina cuntainta as poja tilla comprar. Ils cuosts dal fit pon plü tard gnir squintats culla cumprita. Tenor l'offerta cuosta quel veicul d'occurrenza cun fich pacas uras fr. 83'700.-- (incl. filter da particlas).

601 810.503.02 Magazin cumünal Tuols
Festa d'inauguraziun

La festa d'inauguraziun cul di da las portas avertas ha lö als 23 october 2010.

602 340.366 Promoziun sport
Sent in movimaint

La prüm'etappa da l'occurrenza Sent in movimaint es a fin. Cun trar la sort survegnan seguaintas persunas ün premi (bun dal Sport Champatsch):

- Seraina Conradin
- Erna Falett
- Mario Riatsch

Sinceras gratulaziuns.

La seguonda etappa da l'occurrenza düra dals 1. lügl infin la fin da december 2010.

L'actuar: